

Sier Alvise Foscarei, qu. sier Nicolò mandò sier Ferigo so fradelo, oltra li primi ducati 300 et poi ducati 400, mò dà	ducati 400
Sier Andrea Zustignan qu. sier Un- fredo	» 800
Sier Lunardo Zustignan qu. sier Lo- renzo	» 1000
Sier Alvixe Bembo qu. sier Lorenzo, oltra imprestedi e stato in persona in assedi, mò presta	» 800
Sier Antonio Contarini qu. sier Fran- cesco, qu. sier Andrea procurator	» 1000
	—
Somma	» 8050

*Questi rimaseno di Pregadi*

† Sier Polo Malipiero qu. sier Giacomo, triplo . . . . .	990.337
† Sier Pangrati Dolfin, fo provedador sora la sanità, qu. sier Dolfin . . .	1015.325
† Sier Andrea Zustignan provedador so- ra il cotimo di Damasco, qu. sier Unfrè . . . . .	957.388
† Sier Alvixe Bembo qu. sier Lorenzo, da San Polo, dopio . . . . .	983.371
† Sier Antonio Contarini qu. sier Fran- cesco, qu. sier Andrea procura- tor dopio . . . . .	984.265
† Sier Lunardo Zustignan qu. sier Lo- renzo, qu. sier Bernardo cavalier procurator . . . . .	1051.300
Sier Alvise Foscarei, fo provedador di comun, qu. sier Nicolò, quadruplo	713.643
Sier Luca Loredan, è di la zonta, qu. sier Francesco, dopio . . . . .	672.671

E altri che vol prestar e non oferseno, ave poche balote, et do di vechii con titolo.

348 *Copia di do lettere di sier Pelegrin Venier qu. sier Domenego, date in Palermo, una a dì 25 Luio 1515, drizate a la Signoria nostra.*

*Serenissime et excellentissime Princeps et Domine, Domine semper colendissime.*

A dì 13 de l'istante, zonse a la Fagajana le nove galie di Napoli, una barza et uno galion dil Centurion, do brigantini, una fusta benissimo a ordine; dicono haver 1200 homeni per meter in terra. A di

20 erano a la Pantalaria per andar a Malta a tuor 6 fuste, et poi vanno cercando le fuste et galie de' mori per quella costa, et non trovando, sono per andar a Susa over Monasterii, et li è per andar fata *de facili* per esser venuto eri uno galion di Saona, dà nova di 22 fuste et alcune galie esser in Sardegna; quanto succederà Vostre Excellentie ne haverà notitia. Formenti sono montati per tuto el regno, non obstante la saxon sia stà bona, per causa il reame de Napoli à abuto mala ricolta, et già si caricano per Napoli et quella costa. Va per Calavria *vel* a Castelamartari 16, termene tari 17, xiacatari 15, et la mità son mese alte in Majorica et Minorica; hanno perduto le semenze menudi in Provenza. Le trate per Zenoa son serate in Barbaria; non ne hanno quanto fano nel regno. Vostra Serenità ne haverà adviso. Et formenti sono assai mala opinion e mazor, non obstante il maximo mancamento dil danaro: che Idio provedi per tutto! Di Spagna non zè pasazi zà molti zorni, nì d'alcuna parte è nova alcuna degna de Vostra Sublimità, in la cui gratia mii fradeli et mi per sempre mi racomando.

*Letera dil ditto, data in Palermo a dì primo Avosto, drizata ut supra.*

*Serenissime Princeps etc.*

A dì 29 del pasato fu l'ultime mie, per le qual significai a Vostra Sublimità come le 9 galie, barze et galion del Centurion, a dì 23 era partite da la Pantalaria per andar a Susa. Di poi zonse ordine novo da Napoli et fu mandato driedo. Le qual, prima verso Lamploxa andete la barza et galion prescripto, funo combatute da 13 fuste, capitano di le qual il nome fin hora non intendo, ma è quello prese, zà li tempi passati, le tre galie che si calorno a quel camino. Sentendo l'artelarie, subito yedute le galie, abandonò le nave et galion, et virilmente vene ad incontrar le galie, le qual ben a ordine è meglio del passato. Havendo tutti di bona voglia, con le artelarie ne sfondrono 3, et 6 hanno preso, non con strage *imo* 348  
infiniti et morti bon numero, et le 4 fuzirno. Con la qual preda, se atende le ditte galie ozi over *altius* dimane, et subito partirano per Napoli, et non più per questo anno toranno tal camino de Barbaria; et si andavano, fevano bona opera. Li formenti di continuo montano. A tari 16 e mezzo a Zirzenta, tari 18 a Xica et Castelana, tari 19 a Termene. Universal opinion è meterano al tutto nova imposta, e *de facili* sererano li porti per luochi alieni de' subditi di sua Catholica Maestà. Per fin il reame è maxima doman-